


सत्य-सती

(खण्ड काव्य)



महाकवि

सिद्धिदास महाजु

रवि शाक्य
इखाछै, यल

सत्य—सती

(स्वराड काव्य)

महाकवि

सिद्धिदास माहाजु

पिकाकः-

लुमन्ति खलः

कान्तिपुर, नेपाल ।

स्वकःगु संस्करण

ने. सं. ११०५.

मू ४।-

भाकू-

समाः प्रिन्टिङ्ग प्रेस,

क्षेत्रपाटी, कान्तिपुर, नेपाल ।

जन्म- ये, केलत्वाः क्वाछे ननी
ने. सं. ९८७ झाँला गाः २

शिक्षा- छेय्हे गणित, ज्योतिषी व
संस्कृत आदि ।



लजगा- न्हापा जागीर, कामः पसः, वीरगंजय् व माल-चलानी लिपा
कमलाछी बैद्य पसलय् नोकरी ।

रचना- सज्जन हृदयाभरण, सिद्धि रामायण, प्रेमसागर आदि
बासःगुति सफू ।

प्रयाग- ने. सं. १०५० कठला गाः १३, आरंघाटय् ।

पिकाः पाखें

सफू पिथनेगु लेंपुइ लुमन्ति खलःया थुगु पलाखय् जिमिसं झीं
महाकवि सिद्धिदास माहाजुया थी थी वार्णिक छन्दया खण्डकाव्य
'सत्यसती' सफू पिथना च्वना । खय्तला थ्व सफू न्हापां नेपालभाषा
विकास मण्डल पाखें पिकया तःगु खः । अनं लिपा जिमिसं निक्वःगु
संस्करण कथं पिकया । तर थीं कन्हय् थ्व सफू हानं दुर्लभ जुया वंगुया
कारण याना B. A. या पासापिन्त छगू समस्या, छगू आपत्ति दं
वयाच्चंगु खें जिमिसं थुइका कया । B. A. या पासापिन्त दं
वयाच्चंगु थुगु आपत्ति वय्कःपिनिगु जक समस्या मखु बर्कीछि लुमन्ति
खलःया नं समस्या भाःपाः जिपि हानं छकः न्ह्यज्यानागु खः ।

स्वकःगु संस्करण जुयाः पिदंगु थ्व सत्यसतीयात नं छिकपिसं
थः नाला दी धैगु मनंतुना । थथेहे जनतायात वयाच्चंगु मेमेगु समस्या नं
जिमिगु समस्या खः भकाः थुइकाव वनाच्चवनेगु जिमिगु कुतः जुयां च्वना ।
अले, थन शोषित जनता सकलें छप्पें जुयाः शोकषतय् ह्लाःतं मुक्त
जुइ फय्माः- थ्वहे लुमन्ति खलःया थ्वः सः खः ।

लुमन्ति खलः

जि स्वयं

मनू छन्हु सी तर अमिसं यानाथकुगु ज्या लिपा लिपा
तकं ल्यना च्चनी । नेपालभाषाय् पद्य पाख्य कविवर सिद्धिदासजु
व गद्यपाख्य पं. निष्ठानन्दजुं यानाथकूगु नं अद्य हे युग
युग ल्यना च्चनीगु ज्या खः । राणाशासन यागु चूडान्त कालयार्णि
समकालीन थुपि निह्य विद्वान् शीगु भाषाया निगः ज्वलन्त नगु
जक मखु उगु समयलय् उदित जूपि चन्द्र सूर्यध्वं हे खः । वय्कःपिनि
प्रति शीगु जाती अपो ऋणी मजुसे मगाः ।

परिस्थिति व अर्थयागु अभावं छापे यानाः प्रकाशित याय्
मफुनां थःक्य उकुसमुकुस जुया वैच्वंगु खँ कविवर सिद्धिदास
अमात्यजुं च्वयाथकूगु अपालं ग्रन्थ दु । उकीमध्ये थःगु जीवन
कालय् हे ‘सज्जन हृदयाभरण’ छापे यानाः वय्कलं
भाषायागु तच्चोगु प्रेमया नमूना दिया थकादिल । जिके आः छापे
याय्गु सार्मथ्य मदुसां छन्हु जिमि भाषाभाषीपिसं मात्तु मालासां
जिगु कृतित छापे याइ धैगु बल्लाःगु आशां थःगु रचना प्यंगु न्यागु
प्रति ल्होगु वय्कलं यानादिल । अले व रचनात न्हना मवनेमा
धैगु विचारं प्यह्य न्याह्य विभिन्न इष्ट मित्र व बान्धवपित उपहार
स्वरूप बीगु वय्कलं यानादिल । अद्य हे वय्कलं तैथकूगु सफूमध्ये
छगू ‘सत्यसत्ती’ थौं पिहाँ वैच्वन । वेकःयागु दिवंगत
आत्मायात अवश्य छुं सन्तोष बिल जुइमाः । कवियागु शाब्दिक
प्राण कविता खः । थथ्य हे वय्कःयागु मेमेगु कृति नं पिकयाः वय्कःयात
सन्तोष बीतिनि धैगु जि विश्वास याना ।

नेपालया संस्कृतियागु लिधंमाय् सम्वादयागु रूय् थुकी मिसा-
तय्गु कर्तव्य, लिथु ह्य्थ्योह्य मिजंयात न्वाखँ आदि दु । थुकियागु

भाषा प्रवाहमय तथा सरल जूगुलि ब्वनेबल्य् पाठकपिन्त अवश्य नं थ्व सफुलि साप हे लय्ताय्कै । अन्य देशीय तथा विदेशयागु शब्दत गनं गनं लानाः नं थुकियागु गति गनं अवरोध जूगु जि मखना । छन्दयागु पाद त्रुतिया लागी हरेक श्लोकय् धैथ्ये 'का' शब्द प्रयोग जुयानं भाव व्यक्त याय्गुली गनं बाधा जूगु मदु । प्रचलित संस्कृत व्याकरण अनुसार जक मजुसँ गुगुं गुगुं संस्कृत शब्दयात थुकी शीगु म्ये नोंवाइगु रूपय् लावंगु दु । कविजु छहा नेवाः, नेवालं च्वःगु थ्व ग्रन्थ शी नेवाःतय्गु भाय् दतल्य ल्यना च्वनी धैगु जि विश्वास याना । खः, थ्व वैज्ञानिक जमानाय् थुकी धैतःगु गुलिछ्ये खँ आःयात मलोगु नं जुया वनेफु । थ्व परिवर्तनशील संसारय् गुगु जक सत्य ब्या तःगु खँ सदा धिर जुया च्वंगु दु । तर गुगु इमान्दारी व हादिकतां बुलाः व खँ व्यक्त यानातःगु दु व हे वास्तविक कविता जुयाः ल्यनी धैगु जिगु बिचार दु । “बोमा जिनं धर्म तोते मखूका” धैगु वाक्यय् कवि थःगु जावनयागु आस्था प्रेम व्याक्कं हयाः शीगु जातीयागु धर्मयागु नुगः थुकी ब्वया थकादीगु दु ।

विशेष यानाः शी तताक्यहेपिसं थुकियात थः नालाः, सदाचार-यागु क्षेत्रय् नं च्वय् थाहाँ वनेत प्रेरणा काइ धैगु नं जिगु विश्वास दु ।

— सिद्धिचरण श्रेष्ठ

१९९२०१९

सफूया खँय्

‘नेपालभाषा विकास मण्डल’ ग्वसाः ग्वःगु थ्व वंगु ‘सिद्धि
जयन्ति’ समारोहय् स्वर्गीय सिद्धिदासजुया बासःगूति मठि
अप्रकाशित सफू मध्ये न्हागुसां छगू सफू पिकाय्मु धकाः कोछ्यूगु
कथं थ्व ‘सत्यसती’ खण्डकाव्य शीगु ह्लाःतय् थ्यनाच्चन । थ्व
अत्यन्त लयतायापुगु खँ खः । छायाःसा बय्कः सिद्धिदासजुया
छहा शिष्य कविजु सिद्धिचरणया धापूकथं घात्थे हे—

“गथ्य परवतया च्वं वंगु प्याहाँ निभाःयः
अथ्य लुल कवि सिद्धिदास अज्ञानया द्वं,
तर कपट ववपुंगू साः मुनु राश खाःगु
जम हृदय-उज्ञानं स्वां मत्तः न्हूगु न्हूगु ।”

जुया च्वंगु शीगु समाजं बय्कः कविजु मदय् धुकाः नं प्रकृति नापं—

“बन ब वयबस थौं नं यक्त्र स्वांमा सिमापि,
व कविवर लुमंकाः दैय्देसं वबि च्वनि,
गुलि गिरिवरतय् सो आःतकं दूमब्यनि
अमिगु शिरस च्वापूया ब्यतालि मपोनि ।”

थथ्य शोक याना च्वंगु संकाः नं थौं तक वय्कःया लुमंती छुं याय्
मफ्या च्वंगुली थुगुसी थ्व सफू छगूसां पिकायाः शी नेपालभाषा-
भाषी सकस्यां प्रतिनिधि थे जुयाः वय्कः कविजु ह्यमस्युपिन्त नं
वय्कःया हृदय थ्यंक हे ह्यसीका ब्यूगुली विकास मण्डलया कर्मठ
कार्यकर्तापिन्त धन्ववाद बीथाय् दु । मखुसा शीसं वय्कःया सफू
शीगु भाषाय् दकलय् न्हापां थासा आबलय् कविताया सफू जुयाः पिहाँ
बःगु ‘सज्जन ह्ययाभरण’ छगू जक धकाः च्वना च्वनी
तिनि । आः शासं शी थःगु विषयलय् बय्—

अ जा वय्कःया कृति बासःगूति दु बाइ । उकी मध्ये ३८ गू
सफूया नां स्यूगु व २० गू सफूया संक्षिप्त परिचय ‘कवि

सिद्धिदास व अमरकृति' ध्यागु लेख्य लाःगु दु । मेगु
३ गू सफू-शारदा भजन, संसार दुःखया खँ व शूक्ष्म छन्द नं भाषा प्रेमी
मा. जगतलाल व सिद्धिहरण दाजुया सौजन्यं प्राप्त जूगु दु । स्वंगूया
संक्षिप्त परिचय बी लो ताया ।

शारदा भजन- थुकी शारदाया स्तोत्र नापं अनेक
छन्दय् चव्यातःगु खुगू ऋतुया अनेक स्वांया बयान दु । थासय् थासय्
थाय् प्वंकातःगु दु, शयद अन स्वां फो चक्केगु विचार ज्वीमाः ।
छथाय् काल सिद्धि छव्यमखु धकाः कबूल यानाः शारदायाके ज्ञान
पवनी-

“छव्य मखु जिन काल घौछि नं का ख्यरे नं
सफुलि जिन स्वया नं काल याये बित्ते नं,
देइ धक जित आशा जां छगू का सदानं
खुशि जुय छिन मालं सारदा छी सदानं ।”

वय्कया दृष्टी काय् व म्हाय् छु पाः स्वयादिसं-

“काये म्हाये निहंका मनन उति खना आखलं जा स्यने माः
न्हापां बोकेबले हे म्हुतुन थिक धका शिष्ययातं स्यने माः,
व्याकर्णसं छु तालं म्हुतुस लयि नका शब्द छु हे मस्यकं
व्वंसा धाई व शुद्ध फलखं व मजुलं सत्त धाये ब हे खँ ।”

सफू सिधय्का दी-

“सम्बत् बिक्रम सिंगुसल् व न्ह्यछी वैशाख सुदी पूर्णिमा
चोयागू सिधलं श्व ग्रन्थ थन जा याना दिसं न्हां क्षमा,
पच्छे सस्वन्तिया दया थन जितं वोया जि बुद्धि बल
नां जा सिद्धिदास अमात्य थरका चोनागु त्वा जा कयल ।”

संसार दुःखया खँ- श्व श्री छन्दय् चव्यातःगु
जन्म दुःख, मचाबलय्का दुःख, त्याय्हाबलय् दुःख, बुढाबलय् दुःख व

सीबल्य दुःख धकाः नां छुनाः च्वया तःगु ५ पु कविता जक दुगु सफूचा
खः । उकी बुढाबल्यया दुःख छत्वाः न्यनादिसँ—

“स्वयन जा मज्यू बैस का बुढा
हिसिन मन्त का ह्लागु खं छु का,
मतइ मान नं थो बुढा धका
सकल लोकया न्हूगु जा यया ।”

सीबल्यया दुःख नं न्यनादिसँ—

“हइ स्व' रोग नं पास कालया
मखु जि नं वने धाय दैगुला,
फुयब आयुखं घौछि तै मखु
गुलि दु वस्तु थो यंकय दै मखु ।”

शूदन-छन्द- थव सफूली लघु गुरया लक्षण, गणया
लक्षण । व २८ गू छन्दया लक्षण नं । न्हागं शारदा वन्दना न्यनादिसँ—

“वन्दे न्हां शारदा माता सफू व जपमाः ज्वना
आनन्दं वीण थाम्हं छी हंसया ह्ययसं च्वना ।”

तोटक छन्दया दसु बिया तःगुली संगतया बिशेषता स्वया दिसँ—

‘मणिसां छगलं गन तेज वइ
उगु ल्वी’ थुनसा तिनि तेज थुइ,
अति ज्ञां दुह्य ज्वी बलवान जुइ
निह्य हे दतसा तिनि तेज वइ ।”

कीर्तिया बयान पञ्चचामर छन्दय् न्यनादिसँ—

“छु याय जन्म वैगु का व कीर्ति भिगु छु मया
व राम नाम कागु का स्व वैगु कीर्ति छु दया,
अयेदं ग्वीदं म्वातसां व म्वागु सीकि सित्तिकं
व कीर्तिवान म्वागुका खुभिं स्व नीदं नीनिदं ।”

हः, थज्या थज्यागु हे सफू मध्यय् थ्व सत्यसली नं अनेक छन्दय् च्वयातःगु खुगू सर्गं दुगु स्त्रीशिक्षासम्बन्धी खण्डकाव्य खः, गुकिथात पिकाय् घकाः विकासमण्डलं त्यय् धुंकाः नं धो धो हे मदुगुलि छ्याय् छ्याय् जुयाच्चंबलय् मा. जगतलालजुं न्हापा न्हापायाथें कुमचासे थल्हया तयादीगु प्रतिलिपि मालाः स्वन्हुबिक स्वयाः गनं माःगु तनाः गनं संशोधन नं यानाः बियादीगुलि विकासमण्डलया इच्छा पूर्ण याय् फत ।

धात्यों ला थ्व काव्यया विशेषता बांलाक बाखं हना तःगुली मखु, बाखंया दुने ऋतु ऋतुइ दइगु स्वां-सि आदि सहित वन, क्यब आदिया प्राकृतिक वर्णन यायां ऋतु ऋतुया विशेषता क्यना- तःगु व देगः, छे, ब हा, च्क आदि स्थान वर्णनया दुने पशु, पंछी व मनूतय्गु स्वभावया चित्रण याना तःगुली दु, उकीसनं नेपालया नैमात्वेसा, तिसा-वसः आदि द्वारा नेपालया सभ्यता व अनेक गीत- बाद्य-नृत्यया उल्लेख यानाः नेपाल-संस्कृति क्यना तःगुलि कवियाके सुलाच्चंगु नेपाल-राष्ट्रियताया परिचय बियाच्चंगु दु; गुगु थ्व सफूया प्रत्येक ऋतुइ सहृदय पाठक पाठिकापिसं माक्वं खनी ।

जि ला उकिं आः छको नीन्यादँ न्ह्याःथें थय् धाय् मास्ति वःनि-

“भाषा-भास्कर सिद्धिदास कविजू छं जिस्त वाना वन,

हा, अस्ताचलया दिपय् मदु गनं माला स्वयां नं थन ।

अखनं छंगु दनी सुकीर्ति-कविता आः रक्त आभा सम,

वो हे रश्मि बिनाः तनी ‘हृदय’ दीर्घल्य रूपी तम ।”

श्री गणेशाय नमः

श्री सरस्वत्यै नमः

सत्य सती

वन्दना

शकुन् बागीशा छी खुसि सिथस दीया दिल छिनं
ज्वना थाना वीणा सकुलि जपमाला अन छिनं,
पियारी छी बिद्या गुह्य जनन बोनी उह्य हनं
सदाकालं याना छिगु भजन चां ह्लि मन मनं ।

विषय प्रवेश

नानी लीलावती न्यो थनस जित की धर्म नीतीस धागु
न्यो ह्लां ठं मन्तयावो अति हित गुयिगू स्त्रीजनं सीक्य मागु,
नेना जीनं तया दू अति हितगु खें नं छंत न्यंका बियेका
संखज्योती महाजन् ललितपुरस दू मोह जालेस लाह्य ।

ब्याहा याये धका वो अति तनमननं जू मिजंम्हं थ्व हे का
वोया छेया कलातं लिथु हयत हनं तन्मनं आश याह्य,
पासा जूया कनं वं अति मन हरषं प्रेम याना जितं वों
न्यंके सत्यः सतीया हिसि दुगु खें छता तन्मन न्यो छनं खें ।

सत्यसती

वसन्त वर्णन

जात्रा वैशाख मासे त्रिभुवनपति श्री बृंगद्योया जुया का
नैक्यालं लवीगु दीने लसकर वलका देशदेशं वया का
मायावेती तता नं वल अन स्वयतं संखजोति खनं का
नापं लाना खं जूलं सुखदुख निह्यस्था द्यो स्वस्वं हे अनं का ।

संखज्योति-

मामावेती तता सो दुखसिल थन जि छे कला दुष्ट जूया
ब्याहा याये लिथू जि छिन जित हिं जे यले मातु जूया
ज्ञानी जूया छथे धासा छभि वनह्य नपं ब्याह याये व येका
धंदा काये मते छीं जिन छित वसतं योगु लेका बियेका ।

मायावेती-

भाजू कांतीपुरीसं अति हिसि दुह्य नं भात सीह्य मिसा का
रूपं बांला अधीकं चतकन खं वया पुष्ट ज्यू नं जुया का,
योसा जीनं हया बी छित जिन व मिसा वो जिनं दू सिया का
छुं हे छीनं मग्यसां छिगु गुणन जिनं धावने जी वना का ।

सत्यसती

नानी लीलावती न्यो लुत उगु रथसं नक्यालं जा अनंका
 लाना काये धका ओ जुल अनं सकलें काय दैगू मनंका,
 कर्म स्वैतं दुका सो वइत अन उगू यंकलं ओ कयाका
 ल्याहां ओनं निम्हं छे उलि खँखिं जुयका गातका स्वेधकाका ।
 जात्रा सोया वयांली निन्दु स्वहु दयका संखज्योती वनंका,

संखज्योति-

मायावेती तता छीं जित भति गुण या दू सियावो छिनंका,
 छीगू छे जी वया का हतपतन थनं ह्लाहु वो छीं मिसा का
 मेगू ज्या वांछवयाओ थनि छन्हु निन्हुसं झासँ छी जी धया का ।

अन छको वनसा छिगु सी गुणं
 तुइक रेशमया अति भिगु नं
 परसि फारसिया लन साटन
 जनिख मल्मलया बिय जीं थन ।

मायावेती-

थुलि जित बिय धासा ह्लावने जी वना का
 ऋतु ऋतु पतिकं तुं धावने जी वना का,
 चिज बिज बिय मासां जीं बियाओ हयेका
 जिगु भर थुकियागू ओ मिसा जीं हये का ।

सत्यसती

संखज्योति-

वसन्तं आ हे का बड़ थन अवश्यं जिन खना
ज्वना हूं छीं स्वांमा छु छु दत नस्वागू फुक हना,
बिया छोये जीं नं सुटुक्क छिनं योंकी अनसका
लिहा ज्ञाया छीनं जिल थन लिसः ब्यू थुगु धका ।

मायावेती वनं व कान्तिपुरिसं सत्येसतीया छयसं
फेना चोन इता कपी वन वन कया फेकःतुना ओ बँसं ।

सत्यसती-

धोमा छी गननं जि छँस थनका तापागु ख्वालं छि जा ।

मायावेती-

आठु याय थनं वये मफुतका नानी छियासं जि जा ।
नोतूलं हकनं हिला मुसुमुसुं सत्येसती माननं-
ज्याजी छुं दतला जिथास वयगू धोमा जितं धा व नं,
कंसा का उगु खं मनेस लुलगू धाये मते तोपुये
धार्थे जि थनसं व ज्यूगू जुलसा आशा व याके पुरे ।

मायावेती-

नेने ला छिन थौं जिगू खँ भति छुं तंचाय म्वा ह्नां छिनं
आ छू याय छिनं सिना वन मिजं ल्यासेह्वा सीया जिनं,
ह्ना ओया जिन छी मिजं छह्वासित ओने योला धका
नानी सत्यसती कने छित जिनं थोका मिजं सो धका ।

सत्यसती

संखज्योती महाजन ललितपुरिस दू नानी सत्येसती न्यो
 वीलत् वंके दु योवको दुखसियन मनं धागु चीज्बीज् दया च्वं,
 मांबौ ओया मडूका अति हिसि मडुम्हं दू कलातं वया का
 भातं धाथ्थें मचोना लिथु हयत हनं तन्मनं आश याह्य ।

संसारे झी मिसाया अधिक तवधनं स्वामि भापी छिनं का
 काये म्हाये दुसानं धन अधिक दुसां भात बाहेक नं का,
 छुं नं खेले मडूका थुगुलि जगतसं नानि ज्ञानं स्वया का
 ओने न्हाला छि वंके मिजन अधिक भि नानि छीं छू धयाका ।

सत्यसती-

धाये हे छीं अजोग्ये जित थुगु ववनं भात सीम्हं जुया का
 काये म्हाये सुयां जिन थनस बिया सत्य तोते खुया का,
 ओनं बेइया व मेले नय तियत दुसां ओ मनू ला पशूका
 धाई लोकं जितः सो थन छिगु मननं धर्म तोते मखूका ।

मायावेती-

नानी आज्ञा वसन्तं वल थनस हनं सो ह्वलंका पलेस्वां
 पंखा गालेगु मज्जा फय वइ सितलं वास लेया छुये स्वां
 मूस्वां मेता छु यो छी थुगु ऋतुस दुगू स्वां जिनं बी हयाका
 मन् नं भ्याहे मओं छी पुरुष छि मडुसां नानि छि छू धयाका ।

सत्यसती

सत्यसती-

ओसां छू वो वसन्तं मद्रु थनस जितं कामया रङ्ग नं का
मूस्वांमा नं ववखासां जिन थन सुमुकं त्याग याना मतंका,
स्वानं छूये मयोका पुरुष जि मदया लोनं वंगू मखूका
ओसां ओलं छुयाये थुगु ऋतु वलसां धर्म तोते मखूका ।

मायावेती-

रूपं बांलागु नं दू अति हिसि दु हनं सोय नापं ययापु
ज्यू नं पुष्टं छिगूका दनि वइस हनं नानि छी जि खनागु
ओने माली छको जा छिन थन अवस्थं ताकनं जि स्वयाका
न्ह्याला ह्याला जवा ब्यू खनि छःहु निन्हुसं नानि छि छू धयाका ।

सत्यसती-

धोमा नेना विसं छि धरम थुगुत्थं भात सीवं मिसा नं
सोये गातं मिजंया रुप गुण सकतां स्वप्नसंका सदानं,
कोजी धाववो जि काये थजि मिजनं फुकं जी पिता धयागूका,
कालं यंकी छको जी तइ मवु थनतं धर्म तोते मखूका ।

मायावेती-

भाजुं बी धा तिसा नं छितः फुक ज्वलनं लूँ वहःया थुना बी
लूँया चुरी हनं बी ह्लयपनस तुकी प्वाल दक्वेस माछी,
कल्ली बी धा व भाजुं जरिवह सकली सच्छि तोला तया का
लूँस्वां भींगु लूँयागू धन छित बिय धा नानि छि छू धया का ।

सत्यसती

सत्यसती-

धोमा माहा जिला सो मिजन उह्य तिया कूल तोता वनेगू
काये म्हाये लहीना जिन धरम हना सत्यसं जी चवनेगू,
माजू बाजू निम्हेस्या शरणस जि वने ती नये जी दुगू का
भक्ती याना हरीया जिनं जनम हने धर्म तोते मखूका ।

मायावेती-

पसीं फासीं जनी जा अति मिहिनगु का चुन्दरी पञ्चरङ्गी
ढाकाया गा व भिंगू सकलि हिलिदुगू बेलगू पञ्चरङ्गी,
लं बी छीतं व साटन् जरि जक दुगुका भू भुली सकलि धाका
चूरी बी सिम् सितारा मिहिनगु सकली नानि छि छू धयाका ।

सत्यसती-

तीये गातं नये नं गुखुतु पुरुषनं प्राण तोताव झालं
आजा धोमा जिनं जा थुगु जगत फुक जाल का धाय मालं
ओई वर्षागु कलं बिजुली पुलुक नं ताड चोनी मखूका
चोनीगू जी उली का थुगु जगत स्व धर्म तोते मखूका

मायावेती-

भोया स्वां भीगु बीधा सपलस छुयतं सँ निकूगु सुतानी
बीका हानं टिका नं सिल्लल फुक ज्वलं छाप बत्ता दु नानी,
तख्ता वाल् ह्याय्कनं दू अति निरमलगू छीन धा वे धका का
पयानाओ सत्ययातं उह्य मिजनं छितं नानि छीं छू धया का

सत्यसती

सत्यसती-

नां काये स्वा जितं थो तिय धुन सकतां स्वामि जी हू व्यलासं
लो नं जीं छुं मवका सुख विषय हनं तोति छीनं थ्व आसं
जी स्वामी नर्क छोया जित मिजन हनं स्वामि नाले मखू का
हा ही वे स्वा जिथासं सुमुक दिस छिनं धनं तोते मखूका ।

मायावेती-

हागू बांला व कोकिल् भवल भुनुनुं नानि छि थो मता ला
स्वानं होल सिमाया भति भति चुलि ओ नानि ओ छी लिलाला
मन् नं पो चीकु का छीं जुभन छि दुहसां भात लूनं ममंका
ध्यानं छीन मखला मिजन थन धका नानि छि छू धया का ।

सत्यसती-

नेने ला ला जिनं ओ हिनछि सुचुकुचू याय माका थ्व छेंसं
चोने जीनं मयो का असुघर जुयका घौछि नं का थ्व छेंसं
चर्चा जीनं छु याये ऋतु थुगु उगुया भात सीह्य जि जूया
व्यर्थ ओतं जितं थो छिगु वचन फुकं धर्म तोते मखूका ।

मायावेती-

भातं वाका चर्चि युवति जन फुकं खोहूगु थ्व वसन्तं
पदेस् ओंय लुमंका विरहन व सदां चोनिका ओ मिजंत
धन्दां गंसी जुयेका नयतिय मस्वत्तें प्राण लेनी वयाका
थो थें छीनजुईगू जिन थनस खना नानि छि छू धया का ।

सत्यसती

सत्यवती—

पोसा धंदा जिगू छि गन तक लुमन थो फुकं व्यथं ओनं
 द्राघे धासा जि जूलं पुरुष मदु मिसा मन् गनं ब्रां मओनं,
 स्वामी जी झागु देशःयमपुरस धका ज्ञानिनं धागु दू का
 भासा तोता छवया जी वइ मखुगु खना धनं तोते मखू का ।

ललितपुर दनाओ कवनंका लिपू खं
 गुलि तक अन जूगू कवनका दुगू खं,
 छु छु जुन धक नेनं संबज्योती उथासं
 कन अन व लमीनं खं जुनंका ववथासं ।

मायावेती—

मनन जिनं मखंका ओ मिसा व्याह याके
 चतुर अधिक ओजा जी मछाला व धाये,
 छन्हु जिन अन ओना चाल सोया वयागू
 मस्वत बन मिजंया ख्वाल नं जा सुयागूं ।

इतिश्री अमात्य सिद्धिदास विरचिते सत्यसती चरित्र
 कथने वसंत ऋतु वर्णन प्रथमोऽध्याय ॥

सत्यसती

ग्रीष्म वर्णन

लीतावती न्यो छन मन् तथा तिया
 ओनं हथासं उह्य संखज्योतिका,
 वानं छू याओ फुक छेस ज्या वया
 मायाव्यतीया छय वना व चो व का ।

संखज्योती-

तता मायावेती जित छिन हया व्यू उह्य मिसा
 कबल् छि यागू दू जिन हय धका ओ छिन लिपा,
 जिगू कोटी बिन्ती छन्हु निन्हु वना व्यू अन छिनं
 व जा ग्रीष्मःकालं थन सुटुक्क वंगू खन जिनं ।

मायावेती-

वने भाजु ग्रीष्मं जिन उह्य मिसाया गृहस का
 दनी वस दोया शरिर अति बांलागु उन का
 मनं ओने धासां म्हुतुन गन धाई जिउ धका
 सरम् चाया ओनं छकलनं वई न मखु वका ।

सत्यसती

वनं मायावेती छन्दु अन व कांतीपुरिस का
 चवनं थाज्या थाना अन उह्य निसाया सुमुक का ।

मायावेती-

गथे नानी छीतं जिन अन धयागू खँ सित ला
 मखू स्वैतं सीके ववन जित ब्यू ह्तां वय धका ।

जिनं वाना ओया कुछि निकुत थाना विरचिस
 मला धासां हथ्यां जित बिज हि धाई वन निसः,
 गथे याये नानी जित छिन जवा ब्यू थुगु धका
 छिगू खं प्याहाँ नं वइ मखु गनं हे थुगु धका ।

तांनोया ग्रीष्म कालं वइ चलति अती नानि सत्येसती का
 पंखा जीनं हया बी तसविर दुगुका भाजुयागू उकी का,
 सोया छीनं विचा या रुप गुलि दुह्यका बुद्धिमानं छिजा का
 शीतल् याना दिये दै जिन थनस खना नानि छि छू धया का ।

सत्यवेती-

पंखा गाले मयोका फय पनिगु मडू हया दु का छैरा योको
 मूर्ती कर्क्या मिजंया जिन स्वय मखुतं व्यधनं का व स्ववकों,
 गानं देका जि यो बिरचिस भिनगू भाजु बाजुं बिडूका
 यानाओ धीर्ज जीनं सुख दुख सह नं धर्म तोते मखूका ।

सत्यसती

माय वेनी-

बाल का जी फस नं फिय मफु गन नं धू वनंका मिखासं
तांनोया झं तुती पू चुत्रिचुत्रि भिनकं आ थास थासं,
प्यासं पीडा बिलंका सिचुक लख छको त्वंकि छोनं हया का ।
झाई भापा जि ओया थुलित दुख नया नानि छि छु घया का ।

सत्यसती-

पूर्बे त्वी माह्य सूर्यो पछिमन लुलसां जी मवं भात तीया
दुख् स्यूगु छी वया का थन तुरु तुरुकं छेस ज्या वाय जीया,
झाये म्वालं छकोनं जिगु म्हुतु वचनं छाक धाये मखू का
कायं म्हाचं हिस्याई जिन थुगु कनसा धर्म तोते मखू का ।

मायावेती-

आ जा नानी वनेसं धुं व किसि, मृग तांन्वया चेत जूया
आहारा छुं मयासें सुमुक सुमुकनं चोनिंका मेल जूया
थाये तोता थओगू खुसिसिथस बना फी ह्य बूली वया का
ह्लिह्लि छेसं छु चोने जिगु मनस बलं नानि छि छु घया का ।

सत्यसती-

तांनोसां आ छु याये मिजन मदुहया धर्म थो हे धका खः
छेस चोना ह्लिखाये जिन हरि भजनं बोन्यका जीन आखः,
शान्ती ओई मनेसं सितल जुइ जितं पीन्थ ओने मखू का
माजूं बाजूं छु धाई छिगु मनन स्व का धर्म तोते मखू का ।

सत्यसती

मायावेती-

दामं धाक्कं कया बी असरफि छित जि कंपनी मोह नोटं
हीरा मोती मणीनं बिय धक धा धागु दू का छि लोभं,
धक्काबुंदी छि नानी युवति मखु छि जां छोगु मन् लोहया का
सी ओ सीकी सुनां का थुगु जुइ धक नं छि नानी छू धया का ।

सत्यसती-

माया चोना जिनं धन् निगुलि करवलं थो निह्यं काय म्हाय
लोभं म्वा मेगुया जी गुलि तक फत का भक्तिया लोभ याय,
न्याक्को धन् यूह्यसानं वनि थनन सिना योंक्य छुंहे मफू का ।
पुण्यः ओ पाप योंकी धज जिन सिल का धर्म तोते मखू का ।

मायावेती-

साभुं नं जि हया बी अतर जफ गू ख्वालसं छी बुयेतं
अत्तर मासां छियोगू खुसबि अति दुगू वास वेका तयेत,
छू छू याये छिनं धा जित थनस हये नानि छि छू हयाका
भि भिगू वास ओगू ततजिगु जिन बी नानि छि छू धया का ।

सत्यसती-

चन्दन् दू जी हरीया भजनस दइगू अत्तरं जी मयोका
विद्या तीर्थे जि दूना खिति फुक चुयके साभुनं जी मयोका,
स्वामी जी दू व्यलासं जिन मनपरिनं बानलाकागु दू का
ज्ञानीनं धा थथेका जनम भरि जिनं धर्म तोते मखू का ।

सत्यसती

मायावेती-

ग्वावे मस्ला हया बी जिन छित भिनगू नानि छी बेगु जूसा
पुष्टीगं नं हयाबी जिन छित भिनगू नानि छी योगु जूसा,
कस्ती ध्योयागु ठेकी जिन छित बियके भाजुयाके धया का
धर्म दासा छिनं जा नय तिय छु खनी नानि छि छू धया का ।

सत्यसती-

ह्लापां स्वामीं बियेका नय धुन सकतां ग्वा ग्वये नं अपालं
घायें नं थो शरीरं छुइ छन्हु मिइसं पुष्ट ज्युयाय गातं,
ध्यो ओ कस्ती जितं जा हरिभजन जुलं मेगु ज्या भि मजूका,
माजुं बाजुं नकू थे जिन सुमुक नया धर्म तोते मखु का ।

मायावेती-

नानी छी जा अधीकं गुणि जनह्य भात सीसां छि जा का
वैसं लानी धका का छित जिन थनसं बिन्ति याना जुया का,
भाजूया छें कला दू अति हिसि महुह्य ज्ञान ओनं मका का
ह्लाके छोया हलं छी जित उह्य मिजनं नानि छि छू धया का

सत्यसती-

बुद्धि थाये मकाका उह्य मिजन जुया छू वया ज्ञान्दयीका
न्ह्येथू लीथू तया नं सुख गम सिइका त्वापुया छें जुयीका,
स्वर्ग लाये मफून्हं मनमन थभनं मोक्ष लायेत जू का
ज्ञान् नि गाकी धयाव्यू सुमुक छिन वना धर्म तोते मखु का ।

सत्यसती

मायावेती-

धन् नं दू ह्नां अपालं चलन चलति नं काय बीये वया का
छे नं चू खं तताजा चुनवतव तया रंग रोगन् इला का,
सप्का सुवव्वो दू चुक चिक अन सं लोहतं सिया का
केब दू छेस नापं फलफुलसइगू नानि छि छू घया का ।

सत्यसती-

कैलाश् थें बान लासां त्रिभुवन जननी लक्ष्मिया छेस जूसां
इच्छा जीनं मग्नोका पर पुरुष खना कृष्ण थें चोह्य जूसां,
माजू बाजू निम्हं जी शिव परवतया म्हाय भापागु दू का
काये म्हाये व जीनं हरि भगति जुया धर्म तोते मखू का ।

मायावेती-

बैठक् दू का अनीगू अति तवधनगू ह्नाय्कनं इया तयागू
रंगं पाना व नीरं अति दत का स्वेबले झं वयागू,
बुडावाला फ्रेम् दुगूका तसबिर ततपा मूर्ति छोया च्वया का
लासा लाया गलेंचा धलिमस दु ह्नां नानि छि छू घया का ।

सत्यसती-

आश्रयें छू उकीया मदुगु मखू का मनं छी लुमंकी
धन्ये भापा जिनं जा जगतस ईश्वरं सो लुमंका,
वय्ये माये जिनं फू हिसि दुदुगु मुना जि तये नं व फू का
संतोषः जी थुलि हे करम कुटिवनं धर्म तोते मखू का

सत्यसती

मायावेती-

मे हाली का गवैयां ह्लिनछि अन वया राग ओ रागिनी का
बैठक् दकं वईका मिजनत अनसं यौवनं जावपि का,
थाईका हारवीनं अन अमिसन का मोह छी ज्वी स्वयाका
नेने न्ह्याःसा छि सासं जिन सुमुक यने नानि छि छू घया का

सत्यसती-

माजू बाजूं छु घाई जिन नभ वनसा धर्म तोफी जिनं का
छि स्वेवं भंदनाओ वनिह्य जि खन ला कूलया स्त्री जुया का,
वेश्या जी जा मछू का करपिनि मिजनं हागु मे ग्यों जुझूका
नेने जीनं पुरानं थन जिन हरिया धर्म तोते मछूका ।

मायावेती-

फोनोप्राफं म्यहाली अति रस रसया दम् तयावो कलंका
थाई का ओं सितार्थें तिनितिनि भिनकं वासुरी पू वनं का,
ह्लीली हानं थमतुं खिरिखिरि खिरिकं नानि छीनं स्वया का
घोला छीतं क्यना बी उगु कल छि यना नानि छि छू घया का ।

सत्यसती-

घाथ्यें खं छीन घागू कल थुगु दु धका जीं थ्व थों हे न्यना का
छू याये कर्म खोट्टा पुरुष जित मद्रू पाप जी छुं बया का,
स्वामीं वाका च्वने मा बइस दुगुइले कर्मसं जी मद्रू का
प्याहाँ ओने मछुका दुसगुण जि जुया धर्म तोते मछूका ।

सत्यसती

मायावेत्ती-

मेले झासा जुईका सगुण छि थनसं मेल झाये मखूला
काये बूया वये दै हन बछि निदसं झं सगून छि जूसा,
प्रस्थाने छी मयेका मखनक दियमा गम्नयापि धकाका
छी छी जी जा मयोका थुलि दुःख जुयका नानि छि छू धया का ।

सत्यसती-

छी हे झासां जिऊनी सगुन जुय धका स्वामि छि नक वंका
कन्या सा धौ व कस्ती किसि रथ जुजुया ध्यो दुरू दूगु नं का,
भिगू बाजं व ला न्या सनमुख दुगु भि गम्न काले थुगू का
मेले ओने मखू जी सगुन जि जुलसां धर्म तोते मखूका ।

सुमुक वन लिहां तुं वेतिनी जी धया ओ
ललितपुरस ओना कवनं व्वां धना ओ-
छिगु मन छु जुयाओ ब्याह याये धयाओ
थव दुह्य भिन भापा चौ छिनं मन् चिनाओ ।

मकुत मफुत भाजू संखज्योती व धाये
नयगु तियगु बीयां व मखं जि छु धाये,
शिव शिव धक चां ह्लि नां कयाओ जुयी का
मन वचन व कर्म भक्ति याना जुयी का ।

इति श्री द्वितीयोऽध्याय ।

सत्यसती

वर्षा वर्णन

फुरसत दुगु सोया ओन लीलावती ओ
चवन गन उह्य धोमा धा हुँ धाय मती ओ,
ततपर मन याना संखज्योती वन का
वल वल धक वर्षा दिक्क याना मनका ।

संखज्योती—

वलं वर्षा कालं दिक दिक दिक जुयीका मन मन
कला हे भिसा का सुख सियि मिजं नं सहजनं,
खिचा त्वा थें त्वाई छह्य दुह्य छु याये हिनछिया
हया न्यू हेकाओ छु छु वइगु इच्छा उगु बिया ।

मायावती—

किजा संखज्योती मिजन मखुला ह्तां छि जुलसां
कला साह्ये यासा सुख सिइ छिनं ह्तां जिन स्वयां,
व जा ओले वर्षा पिति पितिक बा वें लें लि चुलू
लियू बंकेओ शं दुगु धन फुईका चुलचुलू ।

सत्यसती

मायावेती वनंका छन्हु मन हरषं कान्तिपुर स्वयाका
नानी सत्येसतीया छु छु वखत धका ओन न्येना न्यनाका,
मायावेती—

नानी लंचाय फूगू जिन भति व सिया दुःख जि व्यू वयाका
पासाथ्ये छी जुयाओ जिन थनस वया ज्याभती छुं दयाका ।

सीक्येम्वा माजुबाजुं उह्य भिजन वया हवा छिगू सोय धालं
ओनेगू छि मधासां रुप जक खनसां चित्तथीजूंयि धालं,
ओयाका जी हथासं छिगु लिसल कया ओन्य ल्याहां थनंका ।
नानी सत्यसती धा लिसल जित छुबी जी दना ओ अनंका

सत्यसती—

धोमा शास्त्रं थये धा पुरुष सियव नं मेत्य ओने मत्योका
तोता ओ शास्त्रया खं सनि उह्य जननं सुखया स्वां महोका,
शास्त्रं नेने मन्ह्याम्हं सुख गन सिइका धन् दयां दू मखू का
धर्म लाये फुसा का सुख सिइ जगते धर्म तोते मखू का ।

मायावेती—

नानी छि शास्त्रया खं गन गन सयका आखलं स्वे लिलाला
राधाकृष्ण धकाओ अति हिसि दयकं हाहा मेना व बांला,
कोनं क्वा क्वा मधासें, हरिहर व धका धालसां बां मलाका
केना है वं सफूली दित अन वनसा नानि छि छू धयाका ।

सत्यसती

सत्यसती-

कोनं क्वा क्वा धयाओ मयन व लहिये बंधने ओ मलाका
मैना ओ दांभतूनं करकिया खें सया चोंवन सो वकूका
स्वामीया पञ्जलं जी पितहल करमं चों मझोंआ जि कूं का
याये चैनं धका हूँ दुख सियि अनसं धर्म तोते मखूका ।

मायावेती-

नानी सत्येसती आ बल थन वरषा फें मखू ओय नं का
वा वै ह्लि ह्लि मदीसे छिगु मनस स्वका ज्ञानिम्हं खैं छिनं का,
आ हे ओलं सुपाजे अति वेंचुगु हनं चौदिकं तोपुयाका
वानं दाई जितः थों जिन थनस खना नानि छि छू धयाका ।

सत्यसती-

छाये ज्ञाया छि वर्षा दुःख थनस सिया लाभयाये छु भाषा
वर्षा कालं सुपाजे मति बलसां चोन्यगू भिगु भाषा
वा ओसा अन्न ओई नय तियत तयां दान यातं द्यूका
धर्म याये फुसा का सुख सियि मनुषं धर्म तोते मखूका ।

मायावेती-

छोया ओनं हलं जी हूँ कि हूँ थन धका नानि सत्यसती थों
अया जीनं छु याये खिडल अधिक् लं दुख सिलंका अती थों,
सोयाओया लयेसं बिजुलि पुलकनं ओगुलीनं जियाका
आ हे ओनेनु नानी जिगु विनति छिके नानि छि छू धयाका ।

सत्यसती

सत्यसती—

वर्षाकालं छि छाये जुयगु मन बुगु ई व व्यो नं मसोसे
 वावं वेला स्वयाओ सुमुक थन छिनं छाय ज्ञाया छियोस्यं,
 सत्ये याना च्यना जि धरम फुक्य मखू मेल्य ओने मखूका
 लज्जा छीनं मचाला छित गुलित कने धनं तोते मखूका ।

मायावेती—

स्वामा जोना वया जी छिन थन स्व थनी वास ओगू अघीकं
 जूही जीस्वां असेस्वां छित छुछु धसका धा छु यो छी अघीकं,
 वर्षाकालं सुवासं अति हित जुयिका जी उकीं व्यू वयाका
 भाजुं बीके ह्यामी छित बिय फतका नानि छि छू धयाका ।

सत्यसती—

स्वानं छूनां छुयाये हिसि महु जित जा भात सोम्हं जुयाका
 भापी धाछीं थ्व स्वां थें च्वनि गुलि थिरनं यौवनं ल्यास्ययाका,
 लाहीक्वेया शरीरं बल बत गुलिका धा उली बां दुयूका
 ससाझुंटा धका ओ सिल फुक जिन आ धर्म तोते मखूका ।

मायावेती—

नानी थौं जा छि बांला बवल छिगु मन जास्वां छुनाओ उफोस्वां
 छीसं धासा बिया है जित उह्य मिजनं योक्व हानं उफोस्वां
 ठीयाय् लाका छि छाये जिमं स्वय व थनी छाय छी बां कयाव
 मेले ज्ञाया दिसं छी वइस दिन छिके नानि छि छू धया का ।

सत्यसती

सत्यसती-

स्वानं छूना उफोस्वां जिन थुगुका श्री हरीया प्रसादं
भक्तीयोगं स्वया का जिगु मनस वलं ज्ञानया श्याक याद,
गीता सोया च्वना जि ह्लिनछि भतिभती पाप् मतीसं मलूका
मांबौनं याथ्य याई जिह्य गुलि दु मचां धर्म तोते मळूका ।

मायावेती-

स्या न्यापि छी दुसा ह्नां नय तियत बई नानि वर्षा ऋतूसं
अन्नं फूना बनीका भति भति दुगु नं अन्न वै लानि पूस
छां नं लाई छि नानी जिन स्वय व अथ्ये अन्न मासां हि धाय्का
योकी धा संखज्योति छित थन ह्य ला नानि छि छू धका का ।

सत्यसती-

चोने जीनं उपासं नय मखु जिन जा अन्न कर्क्यागु नं का
लक्ष्मीं तोता मवंनी दनि धन भतिसां तूनि अन्नं जित का,
वर्षाकालं छुयायी नय तियत दुसां दुःख सी जि मळूका
माजू बाजू मदूला जित दुख जुलसा धर्म तोते मळू का ।

मायावेती-

यो ला बूये छि म्हेसं अगुर कुमकुमं चन्दनं बास ओगू
वर्षाकालं सुवासं अति हित जुइका स्वां छुये वास ओगू
संध्या कालं नन्यायी धुनुनु मिनकं ग्याइ याक्चा जुयाका
भैलै ज्ञासा मिजं वै छित मय फुकिन्हं नानि छि छू धया का ।

सत्यसती

सत्यसती-

नां काये जि नन्यासा धुनुनु मिनकं हे नृसिंहःधका का
 त्ति त्ति मोलं लहुया का खिति फुक चुयके वासः स्वाः मेगुया का,
 जीनं चोना सदानं हरिहर दु धकाः प्राण कठे मनूया
 वासा धाये व हे का जित मय फुकिहं, धर्म तोते मखू का ।

मायावेती-

एकधाला त्रिपासा गुगु यल उगु छी बुद्धिसारं अनं दू
 धूँकासा, तास, गंजीफा, पचिस छु छु छि यो खेल फुक्कं अनं दू,
 नेतूँमाला दु नानी नित स्वत नयसा योगु धा छि व जा का
 बोना येने छितं जि छन्हु निन्हु अनसं नानि छि छू धया का ।

सत्यसती-

ज्या याये अर्थ लागू त्तिनिछि यन थओ आयुषं काल नं जा
 छेँ या ज्या वांछवयाओ हितल फुकसिनं खेल नं ज्जा मनंका,
 त्या त्या बूढ़ धयाओ हितल थ्व रस धका मूर्ख जुलं मनू का
 स्योंका चोन हितताओ सहज थन अनं धर्म तोते मखू का ।

मायावेती-

स्वामी सीना वसेली चुरट मपि छिनं योगिनी थ्ये थनंका
 घोटा मस्जा तयाओ छित अनस बिये अंमली ज्जी छिनंका,
 तोना दीसा बझानं अति मगमग नं कस्तुरी नं तया का ।
 अम्मल् योसा गजीं दू नश छित थनके नानि छि छू धया का ।

सत्यसती

सत्यसती-

छी छी धोमा छिनं थो अमल जित योंक्य भाःपा जुलंका
अम्मल् याना जि स्वामी छहा जक व धका मेगु अम्मल् मखंका,
आ जा श्री राम् धका ओ घरिघरि मननं मान अम्मल् थुगूका
मेगू अम्मल् नया नं सुख गन दइका धर्म तोते मखू का ।

मायावेती-

बीलं छी धर्म संका मखू गनन दने भालपाओ मनं का
माजू बाजूं छितं जा नयत तियत हनं खर्च गाकं महंका,
दानं त्याना हया बी छित सखि निसलं भाजुयाके धया का
धंदा काये मते छि जिगु भर जुलका नानि छि छू धया का ।

सत्यसती-

दामं क्योंका जितः छि कर करन यने भालपा ओ जुलंका
त्याये म्वा जी छदामं नय तियत धका संपती बू जि मं का,
काये बेले खु मज्जा हिसि मडु व लिप ओ ऋणं भि मखूका
सेनी लोकं निगू नं धन बिय मफया धर्म मखू का ।

मायावेती-

शोभा छुंदे मखूका छिन थनस दियां नानि छि जन्म काछि
चूरी ह्याऊं क सिधौफ तलतल थिइगू दंति तूलं तूलं तया का,
नेले झाःसा छिनं थो जनम भर हनं ती दई मानिया का
छुं हे ग्यां छी मडू ना जिम थनस धया नानि छि छू धया का ।

सत्यसती

सत्यसती—

स्वामी धाये धुसैली अति हिसि महुसां ज्ञान नं छुं महुसां
जूवा जूसां खुं जूसां अति धरम महु कुष्ट रोगीह्य जूसां,
भापे मा ह्तां व विष्णू पति जिह्य छि धका ज्ञान थूसा थुगू का
ओया हेतुं कलाम्हं मुखह्य जुलका धां तोते मखू [का ।

मायावेती—

आसा छूया कया छि थन जनम हने नानि धा छि स्वया का
म्हाये बीया छ्यी छि निदं पिदं वलना है कजा कायया का,
माजू बाजू निम्हं सी गुलि दइ थनसं वं निभा थ जुया का
धोमां धा थ्ये मवंसा दुख नयित छिं नानि छि छू धया का ।

सत्यसती—

म्वा म्वा धोमा सुयागुं थन जित भरनं आश नं स्वामियागू
काये म्हाये व मेपि थवथितित हनं माजु ओ बाजुयागू
माया वं जी सदानं धरम छगुलिया मेगुया जी मजू का
संसारे सो छितं का धरम तव धनं धर्म तोते मखूका ।

मन मन दिक् याना कंवनं का यलेसं—

गनन मखन मेपि सुं मिसातं यलेसं
गुलि गुलि अन हेका वेगु खं वं मल्लाका
लिसल छित बियाका संखज्योती फिजा का ।

इति श्री तृतीयोऽध्याय ।

सत्यसती

शरद ऋतु वर्णन

संखज्योती—

शरत् कालं ओई जिन थन खना का उह्य भिसा
अती चंगा मन् नं चतकन व आकाश फुक दिसा,
छको घा हूँ छोनं वचन जिगु डेना सुमुक नं
छु याये जी निति दुख सिल तता छी अधिकनं ।

मायावेती—

तय मफु छथु हक्का छि कला छेय् प्यन्हयं
सुखसिइ मखु छी नं बुद्धि का सा थ्व ह्नीयं,
लियु हइ घक सीका तं वयनी अं कलातं
इनि छिगु थन ह्नां सो नाहकेसं पलाखं ।

सत्यसती

संखज्योती-

कला जी भि सा का हय मखु लिथू जि उह्य मिसा
गुली हक्के बंतं हिनछि गुलि काये जिन लिसा,
मचों भ्रों जि घा थे वनि सुटुक थछे हिनसिया
गुली चोने हानं हिसिमदुह्य बंगू जिन पिया ।

मायावेती-

शरद ऋतुस भोने आ छु याये छि निंति
दुख सिल जिन आ हे जूय मालाब सिंति,
गुलि फत उलि हेके चीज बीजें बिया का
गुगु जित बिय छोनं पसि भिगू हया का

मायावती वन ब कान्तिपुरस हानं
सत्येसती वन गल वन छेस हानं,
माजूहासें सिइ घका तल तोह भेगू
आखे हकी जित थनं मद्रुगु जि लेगु ।

सत्येसती जक खना भन भ्रों थव धालं-
भेपि जलं सियक्य म्वा जिगु खं सुयातं,
नेना दिसं जिगु खं नं मनती छि थातं
चण्डाल् मिजं न्ह्यथु लिथु तय का जि धालं।

सत्यसती

सत्यसती-

शास्त्रं स्यूपि व पण्डित् फुकसिन जित धाभात सीये धुसैली
मेले ओने मत्याका बरु दुख जुलसां सुम्क चो छं अथे का,
हेके म्वा का जितं छि हिनछि थन वया सुम्क चो वे मखू का
पापात्मा धायकाओ मखू थनस चवने धर्म तोते मखू का ।

मायावेती-

माला श्रीखण्डयागू शरद ऋतु जुया बी हया का जिनं थौं
शोभा दे छी दुरूसं चवनि तिमिक गुली छोन्य लाई थ्व नं थौं,
वासं ओया चवनी का अति मगमगकं नानि जीन स्वया का
थोका सोया दिसं छीं गुण बियि छित थौं नानि छ धया का ।

सत्यसती-

हेकां हेई मखू जी हिनछि जित छिनं मा क्यनाओ नस्वागू
पापं पूनी जितं जा सहज जिन खना मेत्य ओने मछागु,
बीये धासां अनेगू जित छिन थनसं ओय जीनं मखू का
आसा तोती धया व्यू छिन अनस वना धर्म तोते मखू का ।

मायावेती-

बर्फी प्यारा छुछू का गुपचुप गुलि यो नानि छि धा हया बी
बम्बंसन् बालसाही पसलस गुगु दू सेल खाजा हया बी,
ह्लिह्लि योसां नका बी जिगु बलन छितं सादुरु कूछि धासां
बेले बेले वईगू गुलि दु फलफुलं नानि छि छु धया का ।

सत्यसती

सत्यसती

सासा धागू सुनां का छिन थन सिउला मेँ च्वकां का व धागू
स्वेस्वे धागू मिखानं न्यन श्रवण निपां वासनाया म्य हागु,
ओने धाका तुति नं गनगन मवना ह्लातिनं थ्यूतु जू का
बश्ये याना तयेमा थव मन थमन धर्म तोते मखू का ।

माबावेती-

चोनी ला छीं अभीमान् गनन जि मवने सत्यसं चोन्य फैला
जाया दै यौवनं छी दिन दिनस हनं त्याग यायेगु फैला
हेती पासापिनीम्हं मिजन खना लोलअनी धका का
स्वप्ना बिता सदानं मिजन जक खनी नानि छि छू धया का ।

सत्यसती-

ध्यानं खंसा मिजंतं जिगु मन मननं दिष्णु भापे वयातं
यौवन् जायाव ओसां फइ मखु जित ओं राग यावयेगु भातं
सत्ये सत्ये सतेनं मखु गनन वने स्वामि धाये मखू का
लो नं सुं हे मवका करपिनि मिजन धर्म तोते मखू का

मायावेती-

हेला याई छितं सो मिजन महु धका ओन्य चोन्य व्यलेसं
शोभा नं दै मखू का वसतन पुनसा नानि छी न्ह्याव्यलेसं,
मेले ज्ञासा छिके सो त्वइ वसत तिसा धाथ्यनं जि धया का
व्यर्थ छोये मते छि हिनछि वयस नं नानि छि छू धयाका ।

सत्यसती

सत्यसती-

ओने स्वा जी चवने स्वा मन जिन चिय फू याइ सूनां ह्याला का
बांबां लागू छु वस्तू गुलि दइ थनसं बां दुसां बां मला का,
ल्वेके स्वा जी तिसा नं वसतन पुनसां धाभ्य नं जी शुगू का,
कालं आयू यनं का ह्लिनछि जिगु थनं धर्म तोते मखू का ।

मायावेती-

थौं जा नानी अधोकं नगु निगुत थिना चन्द्रमा नं अती थी
प्याखं सो नं वनेनू अति हिसि दुगु का छी मजूनी स्व जीथी
काती प्याखं ब्यना है वन छित अनसं श्यालसं तुं तया का
बोना येने छितं छि अन यल सुमुकं नानि छि छू धया का ।

सत्यसती-

माजू बाजू जि काये थवयितिपिसनं हाकनं म्हाचनं का
चाया रात्री स्वयेतं वन हिसि मदुम्ह धाइगू जि खनं का,
आहा धोमा जितं छी अति हित जुइगू कवलं खं थुगू का
ओने जीनं मखू ह्लां धरम फुइ जिगू धर्म तोते मखू का ।

मायावेती-

कंका बी ओं पुराणं छित छु छु यलका योगु वेदान्त नं का
न्यंका बी ओं अनेगू ह्लिनछि खवर नं न्हूगु न्हूगु छितं का,
बाखें ओं नं कनेफू अति हिसि दुगु नं ज्ञान ओ गुणया का
झाये म्हासा यने नू सुतुस अन छिनं नानि छि छू धया का ।

सत्यसती

सत्यसती-

जानी जूसं अनेगू हिनछि खबर नं, स्यूह्य सां नं मयो जी
नेना चोना पुराणं हिनछि जिन थनं कमं दक्खोस यो जी,
स्वामी सीना वसेली करपिनि मिजनं छुं ह्यले नं मद्दू का
न्योके नं म्वा जितं थो सुमुक दिस छि नं धर्म तोते मखू का ।

मायावेती-

नानी छी ख्वा गये च्चं कमल तुइल थें स्वान यो ला हया बी
होया चोंगू दुका सो पुखुलि पतिक नं धा हकी जि हया बी,
नानी मज्जा अधीकं थुगु ऋतु शरदं छी मनं हे स्वया का
तानोगू नं मखूका चिकुगुन मखु का नानि छि छू धया का

सत्यसती-

न्योका ब्यू छी वनाओ कमल गुगु कथं होगु दू का पुखली
ओया यौवन् धका कं च्वनि गुलितक नं इवा जुया नं सुखूचो,
कालं पीया च्वनी ला व सुरुसुरकं सीय म्वागू मखू का
आशा तोती धया ब्यू जित उह्य मिजनं धर्म तोते मखू का ।

मायावेती-

हानं हानं दई ला जनम थन जुये क्षीसनं का सदानं
पुण्यं पापं लिषा क्षी जनम गन जुई सीक्य फूला सुनानं,
यायेगू सो खें आ हे नय तिय फत सा धर्मया खं मब्बा का
हूँ हूँ नानी हयासं अकिल जिन बिया नानि छि छू धया का ।

सत्यसती

सत्यसती-

दोछीको अश्वमेघं नर जनम छको शीसनं जूय दैका
पापं पुण्यं सियेका जनम जुया पाप यायेगु खैला,
सत्ये नं का स्व थीरं चवन धरति फुकं धर्मं तोते मखू का
जीनं सीके धुनं का विषय रस फुकं धर्मं तोते मखू का ।

मायावेती-

नानी छीनं फई ला सुमुक तय छिगू ह्ला तुती, मे, मिखा नं
ह्लाये, ह्लाएपं छिगू का च्वनि मखु सुमुकं चंचलं ज्वीगु मन् नं,
यायी शास्ती छितं जा ह्लिनछि थमिसन यत्थ्य जूये धका का
यागू छीनं प्रपंचः सिल जिगु मननं नानि छि छू धया का ।

सत्यसती-

सोये धूनं मिखा नं जुय धुनं तुयिनं ह्लातिनं थीय धनं
मनूया इच्छा थव हे का मसिलगु सियेके मेगु इच्छा मजूलं,
सोये धूंगु सदानं मनन व खनिका मेगु खंगू मखू का
संतोषं जूय धूनं विषय रस मयो, धर्मं तोते मखू का ।

मायावेती-

आशा यागू छु निरिति छित वन थनसं वान थानं दया का
ख्वानं बांला तुईया ह्यन सकल तुगू अंग गोलं जुया का,
न्यासी झाई छि धीलां स्वयन छि हिसि हू हंस ओर्थे वना का
लो वंगू वं उकिंका उह्य मिजन छितं-नानि छि छू धया का ।

सत्यसती

त्यसती-

संसारें ओं मिसातं गनन मखन ला सूं व कन्या तिनीपि
 धिक्कावुंढी वयागू जिगु मन मननं रूपसं मोह जूँपि,
 स्वां थें भापे थ्व यौवन् च्वनि गुलि तक छवकलं इवा जुयू का
 हानं तीया म्मिजं जि मखु गनन वने, धनं तोते मखुका ।

मायावेती-

मखुत मखुत चोने छेँस ज्या जी हथासं
 थनन यल वनाओ छेँस याये जि वासं,
 जिन सुथस वनाओ कं वने का लिपूखं
 थुलि भुनु भुनु हाला ल्याहें ओनं सुतूकं ।

मायावेती-

शरद ऋतु भरी जि चाक्रि याना वया छेँ
 वय नु धक मधा का ल्हाजि ओनां छुयाये,
 बर छित जक धा ओं ज्ञान दयेकी धका का ।
 गुलि तक थुगु यौवन् चोनिगू सीकि धा का ।

इति श्री चतुर्थोऽध्याय ॥

सत्यसती

हेमन्त ऋतु वर्णन

संखज्योति-

ऋतू यो हेमन्ते महु जिह्य कला छेँ ब मभिना
मिसायागू मूजः थुगु ऋतुस मज्जा अति निना,
लिथू ब्याहा याये थन मन हतास जित जुया
तता मायावेती जित छिन कृपा या अन जुया ।

मायावेती-

तुइक तुइक पुं हे तोपुया च्वं पलीसं
फइ मखु जिन ओने जी पुचा का तुतीसं,
चिकु चिकु धक ह्लि ह्लि मो कुनाओ जुयेमाः
छिन जित बनि भापा, न्ह्यागु ब्यूसां वने ह्या ।

संखज्योति-

छको ज्ञासं छीनं धरम धक सीका मन मनं
वई आ हेमन्तं मनमन लुमंकी मिजन दं,
मिजंया मूजः नं गन दइ वयातं अनस का
अवश्यं ओई खं जिन उह्य मिसा जा थनस का ।

वनं मायावेती थुरु थुरु नुका कान्तिपुरिसं
चवनं गाना च्वापू तुइक भूमि फातं व पलिसं,
दुहा वीना छेँसं चवन गन व सत्येसति अन,
छित कःलीं ती थें तिय धक वया का धक कनं ।

मायावेती-

मते नानी छीनं जिगु वचन नेनाव थनसं
मखू स्वैतं सीके छिन जक बये धा रसवसं,
मसीसें जि ह्लाना उह्य मिजनयातं छिगु खें नं
थथेगू जि स्यूसा जिन छित मधा का थुगुभनं ।

चन्दन जीनं चुलाओ थनि जिन स्व हया ह्वा तुयीगू जुया का
कोनं मासा हया बी दुर छुचुन निता ह्वालं बां दं बुया का,
नानी हेमन्त काले हित जुइ थुकिनं झी मिसा जातिया का
बुद्धी बीया हलं ओं छित अधिक यया नानी छि छू धया का ।

सत्यसती

सत्यसती-

को नं दू का जिके हे रुप अति दइगू काश्मिरी केशरं का
बूया चोना छँचले जि अतर अगुरया ओनि ला छी करं का,
छाये झाया छि पूसं छु छु बिल छित ओ कं जितं छि थुगू का
बोये जीनं व हे का बर छिन सुमुकं धर्म तोते मखू का ।

मायावेती-

इयाले चो नानी थौं छी मिजनन स्वय धा ओइका सो व नं थौं,
छीगू न्योंका वयानं वइस दान धका धाय धुनं जिनं थौं,
तोता छोया छिनं ज्या थनि छिनं दिसँका आश वंगु पुरा या
मेपि कन्या दुसा नं छित अति यल का नानि छि छू धया का ।

सत्यसती-

केने जीनं मखू का जिगू रुप वइतं इयालसं चोन्य लाः ला
छेँका ज्या वांछवयाओ जिन सुमुक वमा इयालसं सोय लाः ला,
ज्वां ले संसारयाओ धक छिन सियकी भिगु ज्यां धर्म लूका
कर्म यागू धका का सिल फुक जगतं धर्म तोते मखू का ।

मायावेती-

नानी छि धीर्जयाना मन चिय न फुका वैशसं भात सीसां
हेमन्तं का मिजंया गुण जक लुमनी कूय मा न्हागु मी सां,
च्चापूया वै फये नं थुरुथुरु मिनकी व्यर्थ जन्मं जुया का
देने दै छी लुमुकं मिजन नप हनं नानि छि छू धया का

सत्यसती

सत्यसती-

सोये धूनं मिखा नं छभि जिन स्व वना ज्वा थुगूली ऋतूया
यश्ये ओनं जि मन् नं नय धुनगु जुया चाल थो हे मनूया,
सोये माका मखंगू चवन मनस थुगू स्यूगु सोके मखू का
हानं मेले वनाओ जिन मखुगु सनाः धर्म तोते मखू का ।

मायावेती-

बांला नानी छि थौं जा अलकस दुगुली छाँट ओंका सहा छि
छापं तीना तुयूगू त्वल अधिक छितं दुःख सी जन्मकाछि,
मेले झाया छि नानी सुख जुइगु खना ओइ आसं वयाका
मज्जा छीतं जुई का थुगु ऋतुस मिजं नानि छि खू धया का ।

सत्यसती-

शोभा लाका जुये मा मिजन तवमिसां ईश्वरः ध्यान याना
भिगू ज्ञान् यो मनूया मभिनिगु मयलं सीय मा भिगु याना,
मेले ओंसा अवश्यं सुख सियुगु मखं पापिसं ल्या तयू का
सेना ओने जितं थो सकलसित थनं धर्म तोते मखू का ।

मायावेती-

योके कासीस छीतं अन जक वलसा श्रीजगन्नाथजीसं
बद्री केदारमथूरा सकभन यनके तीर्थ तीर्थेस छीतं,
धर्म याका बिये जि मनस व छु छु दू भातसीह्य जुयाका
लोस्वै स्वा छि थुकीसं वय मबय गथे नानि छि छू धया का ।

सत्यसती

सत्यसती-

द्वारीका श्री मथूरा सकभन जि हिला स्वामि नापं वना का
गंगासागर्जनाथ जित अन यनकी माजु बाजू मुना का,
धर्म याये जिनं का थव कुलस जिनं पाप याये मखू का
याये फँका गुलीतं जिगु थुगु शरिरं धर्म तोते मखू का ।

मायावेती-

व्याहा याये धकाओ छित उह्य मिजनं जिट्टि याना व चोंगू
रूप गा बुद्धि नं गा धक वन सियका झन् वया मन् खुवोगू,
ज्ञानी जूसा छि नानी छभि वनह्य नपं व्याह याये धका का
मन्सा वाचा व कर्म छित जक ह्यल ओं नानि छि छू धया का ।

सत्यसती-

न्यापां ल्याहा जुओह्यः अति हिसि मदुसां वान थानं मदुसां
ओ हे लक्ष्मी धकाओ थन मनन कला आदरं याह्य जूसा,
मन्सा वाचा व कर्म समरन जित ओं याय माली मखू का
आशा याये मते धा जित उह्य मिजनं धर्म तोते मखू का ।

मायावेती-

तेजं दू छी अतीका मणि दुह्य बि समं रूप यौवन् निता नं,
ज्ञानं त्वेकं छिके दू सरस्वति सम नं खंगु ज्यां या ननानं,
व्यर्थं छोये मते छि जिगु थुगु वचनं विन्ति याना जुया का
मेपि कन्यासिनं छी यल उह्य मिजनं नानि छि छू धया का ।

सत्यसती

सत्यसती-

व्यर्थं छाये मओनी छिगु वचन थनं योग्य ला छि जि धाये
याक्नं ल्याहाँ थनं हूँ तय मखु छित जा मेगु जीनं छु धाये,
आशा केनं छुयागू व मिजनन छितं सो बिये जीं थुगू का
म्वाम्वागू ज्यास जूया फल छित गन दै धर्म तोते मखू का ।

मायावेती-

केनं आशा जितं ओं वसत बिय धका दाम नं बीय धा का
नानी जि कोटि बिन्ती छित जिगु मननं धाय धूँम्हं जुया का,
मेले आसं वयाके मन थिरस तया छाय छी लीचिला का
चोने दै छी सुखं का, जनम भरि अनं नानि छि छू धया का ।

सत्यसती-

योकी धोमा जिके छि वसत भिन भिनं दाम नं माछि फोना
म्वाःगू हाले मते छि वनि मखु जि गनं चौपटं जिट्टि जोना,
धिवकार्जन्मं छिगूका धरम गन तया लहा वया खं थूगू का
मेपि ताला स्वकी धा छिन सुमुक बना धर्म तोते मखू का ।

मायावेती-

तायो बी बीज् तयागू सपलस छुयतं स्वान लूँयागु नं का,
चूरी बी का लूँयागु जनम भरि छितं लहातिसं दंक नं का,
प्वाजे चीकं लूँयागू सिखल व बियेके सच्छि तोला तया का
सत्ये सत्ये बियेके थुलि छित मिजनं नानि छि छू धया का ।

सत्यसती

सत्यसती-

लोभं म्वाः जी तिसाया करपिनिगु हनं आश नं जीं मयाना
स्वामी सीना वसेली तिय मडु भिनक दू धका योथ्य याना,
धायं म्वः सत्य नं छीं वनि मखु जि गनं मूर्ख जा जी मखू का
धोमा छी जा जुयें फू हिनछि थन अनं धर्म योते मखू का ।

मायावेती-

न्हैथू नं धा हया व्यू छहा वयस दुम्हं सुन्दरी बानलाह्य
होने जीन लिथू ओ तय मन हरषं स्वामिया योहा धाहा,
न्हैथू ज्वीम्हं थथे धा लिस्वय मत्य छिनं छीत जां जि बिया का
का का याक्कं जवा व्यू जित हतपतनं नानि छि छू धया का ।

सत्यसती-

ल्वापूया छेँ जुईका कच कच न्हिनछी न्हैथु लीथु तया नं
प्वाले कुने छुँ चोना सरप व भउ वः प्वा पिने चोँ पिया नं,
छूँया आतुजुलं का न्हय निगुलि लजे ओन्य जा ओ मफू का
छूँ थें शास्ती नयोगु जिन खन मिजनं धर्म तोते मखुका ।

मायावेती-

नानि सत्येसती डो गुलि थन जि वये धाय ला मामयातं
मामं धासा वये ला छिनं अन सुसुकं छी मखूका मचातं,
ल्यासे यौवन् छि नानी करम छि मदया भात छीह्य सिनाका
ल्हानागू का छितं जि सुख सिङगु खँ ना नानि छि छू धया का ।

गत्यसती

सत्यसती—

धायें म्वा मामयाके बिल वन छभि जी विष्णु भाषा जिलाजं
हानं मेले बियाओ सनि मखुत वनं धर्म तोता थव ज्यासं,
छाये व्यर्थ छवया छि वचन थवगु नं लाख वंगु मखू का
इच्छा जीनं मयाना मखु गनन वने धर्म तोते मखू का ।

मायावेती—

नानी छी नां व जां ओ त्वल अधिक थनं ओय ह्यालं छिथासं
तं नं स्याये फुका छि थुलि मछि दतजि धावया वंगु आशां,
छागू वाक्ये मया छि मधुरन जित धा वे मखू जी धका का
चाया रात्री छको नू जिन मुलुक यने नानि छि छू धया का ।

सत्यसती—

मायादेवी छितं ला त्वल छिगु थनसं नां व ज्या ओ निगू का
चाया रात्री जि वंसा खनि जित हरिनं खँ प्रकाशं जुई का
लज्जा जूयी जितं का सरम गन तये जी वने नं मखू का
पासा दू धा सदानं छि छह जक दुसां धर्म तोते मखू का ।

लालतपुर वनाओ कंवनं का लिपूखें

मायावेती—

अधिक धरमं धाम्हं दै मखंका सुटुक्कं,
जित जक व मिसानं ह्यालं नीलं हिस्यातं
मिजन जिन मखंला ओ मिजं सोय गातं ।

सत्यसती

मभिन मभिन भाजू संखज्योती छि हे का
 जित जक वन धालं जां मदूम्हं थव हे का,
 सरम छिन मचाला तुत्तुत्तया व येका
 थुलि धफ जित धवाना नं हलंका ह्यये का
 संखज्योती-

जिगू निंति छीनं तुतु तुक वनं का ह्लिनछिया
 हया बी छीनं छिन जुल यलं जे दुग सिया
 झिला छीन झालं दनि हन निलानं दछि वनी
 अले ज्ञाये म्वालं मफु धक जि मन् नं पन खनी ।

इति श्री पञ्चमोऽध्याय ।।

शिशिर ऋतु वर्णन

मायावेती-

शिशिर ऋतुस ओने आ छको जो छिगू ज्या
कबुल जिगु वनाओ याय मागू थुगू ज्या,
सरम जिन मचासैं धा वने जि व हे का
वइगु जिन मखं का ओ मिसां छीत येका

मायावेति वनं व कान्तिपुरिसं ऋतु शिशोरे हनं
गांगि भुतु भुना मछागु पहलं को को छुनाओ अनं
नानी नानि धका वनं व सज्जा छेसं हतासं अनं

मायावेती-

वोये जी मकुका छु ताल छिगु जा चोरं मिजं आशनं ।
ओने नू जिगु ब्रिन्त न्यो थन छिनं लज्जा जुलका जितं
ह्ला ओया जिन छी वनीगु पहल धिक्कार जी बुद्धि नं,
ह्लापां न्योनि मओ छिके छत्र चनं सीतीकनं न्या वया
आशा तोधुलका छि वैगु अनसं सीका मनं जि कया ।

सत्यसती

च्वापू गाना चिकूया तुति हिइल जिगू नानि थों जा अधीकं
कूये हीं जि मि नं ह्यहि भनि लुमुके च्वापु थें जी ह्यथीकं,
धर्मात्मा छी जुयाओ शिशिर ऋतुबले दुःख बीये धयाला
झाया दीसां छि वैंके छनि लुमुक छि नं नानि छि छू धया का ।

सत्यसती—

फीना जीनं लनं सो अति भिन भिनगू ख्वातुयानं लुमूगू
गानं नेया च्वना जि अति लुमु लुमुगू पस्मिराया बुं दूगू
कोठासं झ्या तिनाओ फय वइगु पना फाय फांग दुगू का
नापं देना मिजंया जिन मखु लुमुके धर्म तोते मखू का ।

मायावेती—

योम्हं ल्यासे मिसातं वल शिशिर ऋतू नानि आ जा हिलाओ
खेतीयापि मनूया जव दइका द्वों द्वों वा ओ तुयाओ,
ल्यासे जूया छितं छि थुगु ऋतुस योंक्यगू भालपा का
थेने लुमूकं छितंधा उह्य मिजनन का नानि छि छू धया का ।

सत्यसती—

ओने जीनं मखू का शिशिर ऋतु चिकू छेंस चोने लुमूका
सो छ्वेका मी कुयेका जित चिकु जुलसा ओ मिजं जी मखूका
छोने धूनं छको जी शिशिर ऋतुबले स्वामि नापं लुमूका
फांगा फायाव देना जिगु ह्यहि लुमुके धर्म तोते मखू का ।

सत्यसती

मायावेती—

भातं वाई धकाओ चिकु वखत जुया धाथ्य चों न्हेथुनका
हेके मा आ धकाओ हकि लिथु छित धा, छि मधा वे अनं का,
चा नं ताहा खुमज्जा अति लुमु न लुमू भात दया नापं दया का
मज्जा छीन लुमंकी मनमन थमनं नानि छि छू धया का ।

न्यसती—

ध्याचू डंकूगु थो जा न्हाथु जुइह्य मिसां जी हयाब्यू धका का
सास्ती याये मनं धा लिथु जुइ गुह्य का छेँ हयेवं धका का,
न्हाथूया वश्य जूया अन पुइ गबले छि धया नं वयू जा
कक्क्या छेँ त्वापु पीतं वनिमखु जि गनं धर्म तोते मखू का ।

मायावेती—

ओने भि माघ मासं तिरथस गननं संखमोलं खुसीसं
झाईका संखज्योती ह्लिनछि सुथ सुथं मोल्हुयेतं खुसीसं,
नानी सत्यसती छि स्वय दइ अनसं ज्ञास नू मन् तयाका
न्हाको धासां व जीनं छिगु मनस मवं नानि छि छू धया का ।

सत्यसती—

लो ओंगू छू जिके ओं गुलितक गुणि जी बानलाका गुली का
मोहं जूये मते धा म्वहन वन फुई राग रङ्गं व जी का,
आत्मा ज्ञानं स्वया का विषय रस फुकं पागु छुं हे मद्द का
ओमा धा छी वनाओ वइ मखुत धका धर्म तोते मखू का ।

सत्यसती

मायावेती-

तस्बीसोया छिगू मन मन चिय वन धा नानि सयत्येती थौं
जात्रा है माघयागू अति हिसि दयकं सोवने नू छि जी थौं,
केम्रा केनी छित ओं मुसुक वनि वनं छोगु तज्वीवना का
झाया दीसं छिन नू अति मन हरषं नानि छि छू धया का ।

सत्यसती-

जात्रा सोये लिलाः ला जिन मुसुक चवना ज्या मद्दला जि छेँया
स्वस्थानी ईश्वरीया धरम जिन दना भन्निजन् ज्वी जि येया,
पमतिमा ब्रह्मयागू रुप गुण सियओं पापि जी ज्वी मखूका
संसारे जन्म जूया वनि छन्हु जि सिना धर्म तोते मखू का ।

मायावेती-

चिट्ठी बीया हलं ओं छित थन स्व थनी नानि सत्येसती का
बोना सोया दिसं छि छु छु तक खँ तया चोगु थें सो भती का
न्ह्याको धासां छितं जि मन मनन छिनं स्वैगु धा नं मधा का
याकन दीया छिनं थो चिठी स्वय मखुला नानं छि छु धया का ।

सत्यसती-

बोना बी हीं चिठी जि चवत छु छु स्वय मा बुद्धि वो हे मिजंया
ध्यान दाना सदानं सरस्वति जिन जा आखलेसं मनं या
चोगू ओनं थयेका मन थिर मजुलं रोग जूगु मगू का
मतलब् ओया थुगू का जित तयगु कला धनं तोते मखू का ।

सत्यसती

मायावेती-

मेगू चोया चिठीसं छु छु हल स्व वनं नानि सत्येसती थो
जीनं बोने मफू का थुगु चिठीस दुगू नानि सत्येसती सो,
बोना ओ चिठीया खं जित फुक कं थनं थो खं च्वोतं धका का
फुक्कं बोना स्वयेगू छिगु मन मदुला नानि छि छू धया का ।

सत्यसती-

चीठीया खं कनेका हिसिमदुहा कला छेँ दयाओ जिनं का
भि सा हे का कला छेँ सुख सिइ मिजनं छत योंके जिनं का,
रूपं दू सीप नं दू धक जिन हसिया युक्ति याना थूगू का
चोगू ओनं थयेसां वन्य मखु जि गनं धर्म तोते मखू का ।

मायावेती-

चोया बी संखज्योति छित छु छु यलका बुं व छेँ ओ निता नं
न्हैथू नं होन ओसां बुन वइ छित वा छेँ च्वनेतं दु हानं,
भो हे चोका बिये ला सहि वन तयका ताछि सूर्ता तया का
ह्याह्या धाये मते छि जिन स्वय व थनी नानि छि छू धया का ।

सत्यसती-

छेँ ओ बू नं छु याई धरम जि फुयओ साछि सूर्ता छु याई
सेनाओ ओनि फुक्कं गुलि दत चिज नं कालनं नाश याई,
ईश्वओ जीव वस्तू फुय मदुगु स्वता न्यावलेसं थुगू का
पापं पूनी धका गया जिगु मन अधिकं धर्म तोते मखू का ।

सत्यसती

मायावेती-

बीया ओनं हलंका अविर जित थनी नानि सत्येसती का
इयालेसं छी दिया ओ मिजनं गुलि बलं त्वाक कैकी कयी का,
फागू ह्योता चवनीगू स्वय जिन व धका आश याका छिगू का
न्यासा ना थो अवीरं सुमुक छिन थव का नानि छि छू धया का ।

सत्यसती-

दामं ओया गुली दू जित अविर बिया छी छवयाओ हलं का
स्वामी सीना वसेली जिन ह्यस मतया ह्याउ धावको फुक का,
योका ब्यू छि लितं तूं सुमुक वइत तुं काय जीनं मखू का
वैके ओना जि नं सो थुगु जगतसनं धर्म तोते मखू का ।

मायावेती-

वयन मखुत आजा नानि सत्येसती जी
धरम अधिक बल्ला थौं तया का मती जी,
जनम छिन कयाया बान लातं छि ज्ञानं
मसल जिन छि धाये माफ या का ननानं ।

ललितपुर वना वन धा वन

मायावेती-

दछि दतं जि जुजूं मवलं वनं
मफुत जीं ह्यगू उह्य सत्यसती
अधिक ज्ञां दु वया छिन ती मती ।

सत्यसती

शिशिर ऋतुन ओनं वे मधा ओ मिसा का
मयल जित छिगू नं दाम छुं हे धका का
नरम छिन खँ याना छेय् हया ती कला का
मफुत जिन वये ह्नां यायगू छि स्वया का ।

संखज्योती-

तता मायावेती जिन तय कलातं उह्यतुका
जिनं सीयेमानि धरम जित तोते मखुतका,
छुयाये जी कर्म बिल उह्य मिसा धाय मननं
सनं दीये स्वा ह्नां दुख बिल धका मन मनं ।

समाप्ति

अहो केहे लीलावति छन थुलि जां मनसं
मिसाया धर्म हे थिर जुल व भूमी फुक थनं,
मिसाया धर्म थो मिजन सिय धुंका हन लिपा
सत्येसत्येया थें मिजन मदु सोये छह्य लिपा ।

सिद्धि मली उह्य मिसा थुलि जान् मकासा
धिवकार धाइ मनुषं अति धर्म यासां,
दाहा जुई ह्निनछिया गन सत्य तोतो
सत्यं दया वइगु का फुक धर्म ज्योति ।

सत्यसती

संसार तवधं अधीक धरमं पापं तन्नोधं मखू
छं जूलं स्व मिसा मिजं फुकसियां बांलागु छेँ छेँ मखू,
बुद्धि गाह्य मिसा थ्व ग्रन्थ स्वतसा सत्यं च्वनी कोष्ठुना
सत्ये बादी मिसां थ्व यागु खें जुया सत्येसती नां छुना ।

कलीया डादो ओ शिडस्वदें निथी वर्ष दुबले
महीना जा चैत्रं सुदि नवमि भिगू दिनबले,
दयेका थो ग्रन्थं पतिव्रत जुयेमा धक मिसा
तियेमा वंधव्यं फुक विषय तोता थुगु तिसा ।

जिगू नां सिद्धीदास् जनम जिगु कांतीपुरिसका
जिगू थर् माहाजू च्वन्गु जिगु केलेस जुलका,
पिता लक्ष्मीनारायण जुल व सीकी फुक जनं
सतीसत्येयागू सिधल गुण चोयागु अनसं ।

इति श्री अमात्य सिद्धिदास विरचित सत्यसती
शिशिर ऋतुनाम षष्ठमोऽध्याय ।

व्यचाल